

KERATAN AKHBAR

TARIKH : 9 FEBRUARI 2024
AKHBAR : HARIAN METRO
MUKA SURAT : 16

Ramai berfikiran butiran peribadi tidak dirahsiakan

Putrajaya: Kebimbangan berkaitan butiran peribadi tidak dirahsiakan dipercayai antara punca jumlah pendaftaran sistem Pangkalan Data Utama (Padu) masih rendah, kata Datuk Seri Dr Ahmad Zahid Hamidi.

Timbalan Perdana Menteri berkata, di Kementerian Kemajuan Desa dan Wilayah (KKDW) sendiri merekodkan hanya 33.4 peratus daripada 24,471 warga kementerian itu dan agensi di bawahnya sudah berdaftar dalam sistem berkenaan.

“Ya, memang setakat ini 33.4 peratus daripada pegawai dan kakitangan KKDW yang sudah mendaftar Padu.

PADU KURANG SAMBUTAN

Ramai berfikiran butiran peribadi tidak dirahsiakan

“Tetapi kami sedang mengusahakan beberapa langkah pada pertengahan bulan ini kita akan lakukan beberapa tindakan untuk memastikan 100 peratus (warga KKDW) akan mendaftar dengan Padu,” katanya.

Beliau berkata demikian ketika ditemui selepas Perhimpunan Bulanan KKDW di sini, semalam.

Kelmarin, Ketua Perangkawan Datuk Seri Dr Mohd

Uzir Mahidin berkata, 2.69 juta rakyat negara ini sudah membuat kemas kini maklumat dalam sistem Padu setakat ini.

Beliau berkata, sistem Padu mempunyai 30 juta nama penduduk dan perlu membuat pengesahan dan kemas kini maklumat masing-masing sehingga 31 Mac ini.

Ditanya lanjut mengapa jumlah peratusan pendaf-

taran Padu di KKDW masih rendah, Ahmad Zahid berkata, pihaknya mempunyai jalan tertentu untuk menyelesaikan isu berkenaan demi faedah bersama.

“Mungkin kesedaran belum sampai lagi. Ada juga merasakan bahawa butir peribadi itu tidak dirahsiakan tetapi kita mempunyai jalan tertentu supaya semua dapat diselesaikan kerana itu semua faedah kita bersama,” katanya.

Terdahulu, dalam ucapannya, Ahmad Zahid mahu seluruh warga KKDW memberikan kerjasama dan menterjemahkan kebersamaan dalam setiap inisiatif kerajaan dengan menyegerakan pengemaskinian sistem Padu.